

Gran pregiudissi, e deve
 Sul cheur e sui polmon. 2
 Sa sa avanti chi l'ha veuja
 D'intrè ant la mia brigada,
 Ai costa pa un bel vada,
 Pur ch'a sbeivassa bin;
 Ma pià parti ch'a l'abia,
 A seurt papi d'an gabia,
 Ecetuà ch'a tema 'l vin. 2
 Ste regole e ste legi
 Son pr comun vantagi,
 Fene tuit bon usagi
 An tute j'ocasion;
 E dnans furni i veui dive,
 Ch' i sapie mantnive
 Tavota an bonna union. 2

Le donne che vogliono
 il comando dispotico di casa.

CANZONE XXXIV.

Che servei fait a la granghia,
 Ch'a l'an mai, lassè ch' i dia,
 Certe done d'ogidi!
 J'an appena maridaje,
 Ch' veulo lor portè le braje
 A la barba dij mari,
 A la barba dij mari. 2
 A fan subit le padrone,
 E boriose veulo impone,
 Comensand aussè la vos;
 E i mari s'a son garofo,

- Ij vedri là astà s' un cofo
 Bei e cheuit, e maravios. 2
- D' vote a s' buto fè una cera
 La pi brusca e la pi fiera,
 Acompagnà da sent strincon,
 E pr rendse sostnue,
 Tut 'l di fan le borue,
 E bërboto com' 'l tron. 2
- Dal prinsipi ch' a son gravie,
 Venta tnije da malavie
 Con particolarità,
 E stofiandie d' cortesie
 Sodisfeje coule anvie,
 Ch' ai venran an quantitá. 2
- Dio guarda a l' om ch' ai dieissa
 Quaich parola ch' ai picheissa,
 Dlongh a sauto com' d' cravieui;
 Cherde pur a lo ch' i dio,
 S' a podeisso ai scarpentrio,
 An gavandie finna j' eui. 2
- Dije un po' a l' om ch' a pretenda
 D' antrighesse ant quaich facenda
 Risguardant al bon ciadel?
 Coula vespa durgna e trista,
 Ai darà talment la pista,
 Ch' ai farà virè 'l servel. 2
- Vaire vote inviperie
 S' atacran a certe gnie
 Da stimeje pa un quattrin;
 E su lon faran d' legende,
 Destacandne pi ch' a pende,
 Senza mai pi aveje fin. 2
- Quand la fomna l' ha la stissa,
 Gara a l' omo ch' a cetissa!
 Venta gnanch ch' a fassa fià;

- A guadagna pi s' a lassa
 Ch' a rasonna e ch' a sganassa
 Fin ch' a s' sia desgonfià. 2
- Oh che fum sot coule scufie,
 Ch' a l' an mai couste bërnufie,
 Malgrassiose com' d' aris!
 Lor veulo nen d' dipendensa,
 Ma fè tut con prepotensa
 Lo ch' ai dà ant l' schiribis. 2
- Un povr' om con couste teste,
 Ch' a veulo comandè a le feste,
 E peui ancora ai di d' lavor,
 A l' an pro bel descaussesse,
 Ch' a ventrà pensè d' chitessse,
 E nen fè da bel umor. 2
- E tant pi s' a l' è ch' a sia
 D' un' età già ampò splufria,
 A l' è giust anlora 'l bon,
 Ch' a lo fan stè a la tichèta
 Soens con quaich trebaudèta,
 Angrumli là ant un canton. 2
- Son ancora pes sent vote
 Coule là ch' a son bigote,
 Oh che drola santità!
 Stan an gesia con modestia,
 Ma con rabia peui da bestia
 A squinterno tuit ant cà. 2
- Ma savi lo ch' ai dà penna,
 A l' è 'l trop bon temp ch' ai menna,
 E i mari ch' a son bagian
 (Ma a so dan, e perchè feje
 Tante gnogne, con lasseje
 Coul cassul tant prest an man?) 2
- Povra servitù s' a s' pensa
 D' fè una longa permanensa

- Con d' servei cosi sturdi!
 Venta pa ch' a s' lo figura,
 S' ai capara pa a dritura
 Con sposè dlongh so parti. 2
 Na voli dle pi baronne?
 Pr podeje lor disponne
 A so meud tuti j' afè,
 Fan passè pr la stamegna
 Coul bonom fin ch' ai consegna 2
 'L ciavin dov' a ten i dnè.
 S' a son giovò, s' a son bele,
 Dan soens an ciampanele
 S' ij galan ai van da rair;
 E i mari l' an bel butesse
 Sul serios e caprissiesse,
 Tant e tant ai fan fè ciair. 2
 A senti ste dotoresse
 Quand a veulo fè paresse
 So talent a j' oimo oloch,
 A son certe drolarie,
 Ch' a fario tombè d' rie
 Le galinne giù dal gioch. 2
 Se 'l mari falis quaicosa,
 Ai fan subit la soa glosa
 Pr tirelo su a caval,
 E podeje con gran festa
 Deje dl' aso pr la testa,
 Del codogn e dl stival. 2
 Lo ch' a l' è d' economia
 Lo fan pro su la famia
 Con 'n studi prinsipal;
 I vedri com' a stirasso,
 Ma bin pochi ch' a na fasso
 Sul so propri personal. 2
 A san pro fè so meinagi,
 Piandse lor pr fè bel plagi

- I bocon pi da golù;
 E i mari stan a bucheje,
 Ma s' ancalo pa arbrufeje,
 Chiet com' l' euli i foi fotù. 2
- Quand a l' an peui dla fiolansa,
 Pr mostrè la padronansa,
 E l' autorità ch' a l' an,
 D' vote ai pussio, ste scalorgne,
 D' vote ai tiro giù d' baborgne,
 Strapassandie pes ch' un can. 2
- Se 'l mari veul di quaicosa,
 A j' arcarco ancor la dosa
 Tante volte dopiament;
 Maginè s' loli ai fa penna,
 Con tut lo l' è mei ch' a tenna
 La soa lenga an mes ai dent. 2
- Ai na j' è ch' a l' an d' dota
 Tant da pisse una marmota,
 O un sumiot da fè balè,
 Coule son pr l' ordinari
 Pi sfrontà ch' un urinari,
 E pi antère ant 'l parlè. 2
- Vaire vote l' om magonna
 Con la fomna scontradonna,
 Ch' a veul esse l' euli an tut,
 E tavota contrarielo,
 E s' a fa bsogn anche strielo,
 Ch' a l' è 'l pi d' tut ancor pi brut! 2
- Mi digh nen, ma v' assicuro,
 Ch' i seu nen cosa s' figuro
 Couste done anspirità.
 Cosa dive voi, ch' i sente
 Con j' orie atente
 Tute quante ste vrità? 2
- S' ai fuss quaichdun ch' a voleissa
 Obligheme ch' i parleissa,

- A saria natural
 E probabil ch' i tochria
 Senza tanta astrologia
 La radis d' tut 'l mal. 2
- Mi diria a ste fumele
 Ch' a son teste da crivele,
 S' a fuss bin su so mostas,
 Peui apres i soggiunsria
 Ch' a ven tut dall' asnaria
 Dij mari, ch' a son d' bambas. 2
- Elo pa una cosa ontosa,
 E d' autut vituperosa
 D' essie d' oimo tant oloch,
 E ch' a veuio maridesse
 Squasi squasi mach pr fesse
 Tni pr tanti barbabocho? 2
- Sul prinsipi prchè feje
 Tant dij dos, e prchè deje
 La bachëta del comand?
 Andè pur ades an piassa,
 Publicand i bon pro fassa
 Ch' i ciaprè di quand in quand. 2
- D' or anans chi veul mariesse,
 Ch' a procura d' atachesse
 A j' orie sta canson;
 A lasrà pr nen falila
 Arlamè giamai la brila,
 S' a l' è nen d' autut tomon. 2

**Antonio Pianca che vuol sposare la figlia
 di Giovanni Bernardo.**

CANZONE XXXV.

Mi mi mi veu veui ma marieme